


NOSTALGIE-PREIS

CHF 4.00!



HÄGEDÖRFER-SPÖIZ

Herausgeber: ROOT-RAT

2015

AKTUELL

HOCHBRISANT

unabhängig

SPONTAN

INFORMATIV

NEUTRAL

ZIETTSICHER

37.
Ausgabe



Proklamation Fasnacht 2015


Mer gheie usem Rahme
säge ned ume die Zahme
Es esch mer zuedreit worde d` Höckeler sigi dra
und stöue dä roti Ma
Es dampfet und lärmet wieder i der Schlucht
dass esch es Zeiche vo der neue Fasnachtsfrucht
D` politik wird wieder usgheblet
und eg a Gmeindrotsässu kneblet
Doch der Bäse hät eg jetzt no brucht e set no d` Halle fäge
wenn die ned sauber esch hufe z` tue
Au em Oberdorf gets der mer glaube
ohni Bäse gets döt ke Rueh
der Root muess der mer glaube
Eg gebe em ne freiwillig denn au i ha Fasnacht gern
und akzeptiere em Root si Stern
Drum löit is luut lo Rote schreie
me darf jo e chli usem Rahme gheie
Em Root und sine Gselle wünsche e gueti Sach
und eus allne e schöni Fasnacht mit vöu Krach
Der Chef vom Dorf

Chuum het dr Winter iizug ghautet
Wünsche mir öis, dass sich der Früelig glii entfautet

Aber zirsch no das isch Pflicht
gäi mir däm Dorf es bsondrigs gsicht

Farbig, loschtig ond ohni Sorge
Plange mir jetz scho ufe Chessler morge

aber eis nachem ander e wott nid hetze
due zirsch no paar Rieme schletze



**Es weisses jedes Chind, Maa und Dame
Mer gheie us Rahme**

Sitt i s'erscht mou do ar Fasnacht be gsii
ben e mit ganzem Härze vou derbii

Veli Frönde han eg do dörfe finde
ond mänge Kater müesse überwinde

Mit Kostüm verchleidet ond Perügge - ma chum no Plange
Chomi au Johr dohäne usem Chlii-Wange

vor 18 Johr hets mir de Ärmu inezoge
Do füehl ich mi wohl - ond das isch denn öbbe gar nid gloge

**Denn vo hütte a schriibe mirs uf öisi Fahne
Mer gheie us Rahme**

Ei Wuche lang Fäschte ond Fiire
Mängisch döi haut vor luuter Singe stimme chlii giire

Der Alltag mou chlii uusblände und vergässe
Viellecht houts di mou uf d'Frässe

Wenn nid jetz, wenn Denn söue mir läbe
E gibe öich dr Oberrärrisch sääge

Aber dr Aastand dä söu immer üse Begleiter sii
schliesslich hets ou Chind drbii

**D Fasnacht hett bi üs en Name
Mer gheie us Rahme**

Ziit isch cho, si muess nümme Riife
Jetz duen eg im Amme dr Bäässe Griife

D Regierig goht jetzt i Narre Händ
ou wenn dir jetzt das gar nid wänd

E wirde öich führe mit Stolz ond Fröid
ond hoffe der siit derbii mitem farbige chleid

Der Fasnächtler stöit i minnere Gunscht
Das sägen ig dr Betzge vo dr Höckeler Zunft
**Niemaus wei mer a dere Fasnacht lahme
Denn: Mer gheie usem Rahme**



ROOT XXXVIII.

Am Bahnhof het eine ä Dommi Schnore
D'Auto fahre do vöu zschänu dore
E Geschwindigkeitsmässer söu Klarheit schaffe
Söu se überführe die cheibe Affe



Met über 100 söue si dört fahre
Das schafftich ned met eme normale Chare
Si die fahre ächt gar vom Tüfu brässe
Das chont derro. wenn me der Zog duet mässe



Före Winter muesch di gröschtet ha,
d Winteräder sötte gli as Auto dra.
Der Flury Fippu stöut alles parat,
doch droffe si ned d'Sommerrad,
Wenn d'Winterpneu im Sommer a de Räder laufe,
chasch der secher si, as au nöchsch Johr muesch zwöi nöi chaufe.

Es güt e Landsmeind, do muesch derbi si, biesch jo nid bsäsee
nid wäg dr politik, nei es güt jo gratis z'suwe und au z'fräsee

Werbung in eigener Sache:


Das Trio aus Tirol kann auch als Duo gebucht werden.
Referenzen bei Nicole & Luky Willimann für das Trio.
Es Grüsst der Root XXXVII und seine beiden Seckel



Wotsch Dachträger fürs Auto bschtelle
das machsch in Frankrich auf die Schnelle
Es chunnt günschtiger und goht wie dr Wind
doch d Franzose schaffe ned so gschwind
Ei Woche vor de Skiferie si die immer noni do
do drüber esch är öppe gar ned froh.
D Zahlig annulliere und sofort storniere
und schnäu die gwohnti Garage kontaktiere.
Zwöi Täg später si die Dachträger im Huus
d Schwiizer schaffe haut und chöme drus!

Dr Röno wo Pöscho fahrt

E Spritztour isch ufem Programm gstande,
mit de Escort a ne Oldtimerträff ufem Lande.
S'Heidi hets blitzi, der Chrigo au!
Beidi eis zwöu, das glaubt ja kei Sau.
Wäred dir gfahre zäme i eim Chare,
hätted dir chöne 40 Franke ispare!
(Hänggis neue Formel: 1+1=80)




In Olte fähle höchi Stürinahme,
d'Alpiq zahlt nüm so wie ame.
Überall setzt me jetzt der Rotstift a,
dass me d'Chöste im Griff duet ha.
Wöu me jetzt so fescht mues spare,
gsehsh d'Stadtpolizei nüm umefahre.
Doch mer mache jedi Wett,
dass es ned weniger Buesse gett.

Z'Hägedorf hätte mer ömu Beize gnue
du weisch nume nid, wenn si offe si oder scho wieder zue


S'güt immer meh Lüt wo der ÖV düei nütze,
das wär jo eigentlich ou z'unterstütze.
Doch i der Region Züri machts nid immer Spass,
irgendeinisch passierst, denn überlouft das Fass.
D'Züg si immer voll, si chöi si no so läng,
für witeri Gleis um Züri ume wirds langsam äng.
Wie die perfekti Lösig duet das Klinge,
e Durchmässerlinie sölli d'Lösig bringe.
Die Rampi wo me bouet het isch z'steil,
der Lockfüerer bi der Eröffnig finds ned geil.
Für zum Tunäu us bruchts e zwöiti Lock,
dä wo das planet het isch e rächte Pflock.

I de Badeferie i dr Dominikanische Republik
Esch aues Allinklusive das es esch wörkli dr Hit
Duesch d'Seifi und Duschmettu au Tag im Schrank verstecke
Chasch di so fasch met eme Johresvorrot vo däm i decke
Duesch de no Schöttli regumässig us dr Minibar use näh
Chachsch dr dehome gratis einisch heftig d'Kante gäh

E Hüpfburg am Schwiz bewegt esch loschtig,
 das macht ned nome die Chiline gloschtig.
 Au die Grosse chönnes ned lo si,
 e Zechebroch het nachdäm dr **Chregu Vögeli**.



Der YachtClub het es Fäschli gha,
 bim Organisiere isch jede dra.
 und het gseit, si düeig öppis mache.
 Si het wunderschöni Cupcakes fabriziert
 und vorem Abfahre ufem Outo deponiert.
 Bim Abfahre si si no immer ufem Dach,
Nadine Christ – jetzt si si leider flach!



Der Alarm goht los ir Gmeindverwaltig,
 bim Ablick vom Übeltäter stuunt d'Polizei ganz gwalting.
 Dr **Gemindpräsi** sitzt dort ganz verdrosse,
 d'Mitarbeiter vo der SRU hei ne igsschlosse.




Jede Septämber isch es ame so wit,
 es isch wieder STV Passivzugs Zit.
 Flissig vo Tür zu Tür düei si go,
 um ihri Passivbitrag überzcho.
 Eine het denn rächt vöu gstudiert,
 me chönnt fascht säge übermotiviert.
 Het das Gäud ned trouet deheime z'loh,
 hets zur Sicherheit mit i Usgang gnoh.
 Dir ahnet sicher s'Ändi vo dere Gschicht,
 Im Hodu Peter sis Gäud het jetzt e Bösewicht!

D'Lehrling vom Elektro Fürst si jo scho recht
 doch öppis machets trotzdem schlecht
 obwohl si chönnte döi si d' Autoprüefig
 was der Chef de gar ned bringt zum Lache
 wöu die Stifte keis Billett hei zum Umechare
 müesse si jetzt mit de Elektrowelo umefahre




Är esch be hufe Aläss emmer derbi
 Schrieft sech drom aus i d'Agända i
 Vellecht setsch ou dr Verein notiere
 De wörtsch ned ir Zunftschale go musiziere
Stige Malder

Der Umbou esch fertig jetzt chasch de züglen
 doch a der Wand muess är no öppis büglen
 und prompt passiert ihm no e seich
 es Loch im Abrieb, läck be ne weich
 am Schluss esch's de glich no gange
 döt duet es Böud bim **Marco Flammer** hange



Wenn d'Höckeler ihres Usschwärme hei,
trinkt me i der Regu eis oder ou zwöi.
Mit Alkohol im Bluet go Velo fahre,
bringt erfahrigsmäss bsunderi Gfahre.
Das het der Betzge leider noni gwüsst,
drum het är haut der Bode küsst.




Chöubi Chappu das macht froh
do stöi öberau e huufe Balle us Stroh.
S'laufft ei Balle met , mer wott se verschänke,
jo chasch dänke, me wott se lieber ir Dünnere versänke,
D'Polizei ned wiit do chasch druf wette,
e Kran muess häre um sie z'rette.
Wär esches gsiii,
dr Stalder Mige und d Bürki Jasiii.

Together
is the best place to be



ÖFFNIGSZYYTE ROOT-HUUS

Schmutzige Donschtig:	13:38 bis 18:38
Fasnachts-Frytig:	13:38 bis 18:38
Umzugsamschtig:	13:38 bis 01:38
Sonntag:	13:38 bis 18:38
Rosemöntig:	13:38 bis 18:38
Fasnachts-Zyschtig:	13:38 bis 01:38




Es git Lüüt, die mache öppe haubi Sache
do chöntsch no dänke, si sige ned ganz bache
drum hei si vellecht au es betzli gsponne
för me Sonne hei si ehri Tanne oberhaub der Mitti gschnitte
bim *Martha und Fritz Neuhaus* het s'Hirmi haut scho vor der Sonne glitte



Es Schüelermusical das macht froh,
e Schwiizer WM-Match grad ebese.
Doch findet beides am gliiche Tag statt,
das finde d Vätere ned so glatt.

Uf d'Gäschet het se sech riesig g'freut ond nüt studiert,
esch nach em lüüte eifach zor Wohnig us spaziert.
Es chlieses „Klack“ ond d'Töre gheite i Rahme,
was esch passiert me chas erahne.
D'Wohnig zue dr Schlössu drenn,
so macht dä Oobe ned vöu Senn.
Doch chli Glöck muesch mängisch haut ou haa,
ehri Muetter het e Reserveschlössu gha.
Es Telefon duet länge ond die gueti Fee stoht do,
jez cha die Party doch no witer goh.
Bim nöchschte Bsuech es esch fasch zom verrecke,
dr glichlig Scheiss scho weder aber das mou duet vo enne no dr Schlössu stecke.
Do cha de ou s'Mami net dr for bewahre,
muesch am Schlössudienst alüte ond dä ou zahle.
S'nöchsch mou wenn zor Wohnig us duesch goh dänk doch dra,
sötsch emmer e Schlössu im Hosesack ha.

Stadine Nalder



Es Buech vom Capus gläse und jetzt wot är no me
wöu das Stück chasch im Theater au no gseh
bim astoh für Tickets fot är mit öpperem a lamentiere
und froggt, öb ihn das Buech au so döigi fasziniere
dä seit ihm jo und das sig de gar ned übertriebe
är heig das Buech jo schliesslich säuber gschriebe
Strub Marcel

Im Mai e töife Blick is Portmonee,
 ei ei, was duen eg denn do gseh?
 Es isch e Chläber wo 40 Fr. choscht,
 was söll ig mit zwe Vignette bigoscht?
 Mis Motto: Dopplet gnäit het besser!
 Corina Gebauer



HÖCKELER-MASKENBALL

Rosenmännig - 26:00 bis 03:30 Uhr
 mit 5-Mann-Band "Magic-River-Band"

Häggen Güggel Hägedorf
 Steinhölzler Waldlispach
 Ghuschranzer Gunzger
 Chärlschranzer Egerchtigel

...und anschliessend...
 ins Bistro Vögeli-Beck zum
 Power-Frühstück ab 04:00 Uhr

E fahr di hei seit är ganz bestimmt
 doch der Autoschlüssu är ned find
 hätsch doch us der Schüssle no chli Dessertcreme gno
 Gäu Thomas Rötheli, döt esch der Schlüssu weder vörecho




Liebe Mobiljar
 Als mein Töffkollege in Österreich ein Restaurant sah, ist er sehr abrupt abgebogen,
 da ich noch nicht durstig war, fuhr ich ihm hinten ins Motorrad hinein.

Wissling Kisu

Uf der politische Bühni esch's ned stöu,
 es louft wie immer ziemlich vöu.
 Es git kei öffentlichi Chrankekasse,
 ou der Grippe ned im Volk ned passe.
 Dass d'Schwiz ned richi Säck verlürt,
 wärde die ou in Zuekunft pauschal bestürt.
 E Mehrheit wett d'Masseiwanderig stoppe,
 s'Aliege vo de ECOPOP duet aber floppe.

Wenn uf die erschti Site wotsch im Blick,
 verschick eifach es Foti vo dim beste Stück-
 Gruess, Gerry!




S Gfängnis Deitige das loht hoffe,
 be Stromusfall esch s'Haupttor offe,
 Sickerschte Gfängnis wird's jo wohl ned sii,
 denn dr Stromusfall isch zwöi mou gsj!




Der Fasnachts-Plakettewettbewerb esch entschiede
 wie immer si drü Gwünner übrig bliebe
 am Hilari wärde d'Sieger de met Batze beglückt
 was die Erschte zwöi ou ganz entzückt
 aber die Dritti hed de sofort reklamiert
 und sich wägem Gäud e chli schniniert
 wöu si gar nüt zeichnet hed duet si s'Gäud grad umegäh
 damit mer das am richtige Dritte cha übergäh
 jetzt muess der Root-Rot Präsi das i d'Ornig bringe
 dä Schnitzelbank übere Renato Hirrlinger chöntsch ou singe



Zum Fitness mache do besch froh,
 wenn es Handtüechli hesch metgnoh
 bim bruche ganz überrascht de besch
 wöu dä cheib ganz chlobig esch
 oh Moser Sara gäu ab jetzt luegsch immer
 dass ned metnemmsch der Teppich vom Badzimmer



Im Garte duet är chrampfe,
 es foht fascht afo dampfe.
 Es isch sogar so wit cho,
 dass sini Sehcraft het nachegloh.
 Wo är nachem Schaffe ine goht,
 gseht är plötzlich ziemlich rot.
 Sini Bröue isch nüm uf der Nase,
 lit si äch im Gebüsch oder ufem Rase?
Hardcore-Gärtner Hans Hodel



Zum go häufe bim Chilbiufbou het si s'Velo gnoh,
 hets abgeschlosse, nachdäm si im Dorf isch acho.
 Nach der Pflicht wott si denn wieder heizue,
 isch zum Velo und het s'Schloss welle uftue.
 Der Code im Chopf, das isch jo klar,
 s'Schloss goht ned uuf, wie sonderbar!
 S'ganze Rigle und Versueche isch ned glückt,
 drum het s'Doris Haas denn d'Zange zückt.
 Me cha ned bhopupte, die Tat sig kriminell,
 trotdäm finde mir so Szene speziell.




Wäge Gichtschüb zum Spezialischt und dä duet nur lache
 und seit ehm, do cha eg gar nüt mache
 wäg dere Chrankheit muess är zum Dermatolog jetzt eile
 dr igwachsniq Zechenagu muess dä am **Grepper Peter** heile


Im Joggeli chöntsch meine es sig Tag der offenen Tür
 bim Match vom FCB gäge Real Madrid esch's eim nüm ghür
 churz vor Schluss rönne es paar ufe Tschuttiplatz
 und spele mit de Sicherheitslüüt Muus und Chatz
 bim FCB muess aber wäge däm niemmer e Kische
 die mache nüt gäge Hooligans und Flitzer-Turische

Über es Schlüsseldrama no e Bricht
 E Frou und ehre Maa mache do die Gschicht
 Es esch es hin und her und ab und zue wird g'fluecht
 Wöu zwöi Tag immer wieder Schlüssle werde g'suecht
 Das richtig of's Papier z'bringe due e gar ned woge
 Drum döit der **Roger Richiger** doch grad säuber froge

Of die warme Dominikanische duet si im Dezember i d'Ferie starte
 und deheim bim **Bleuer Eveline** stoht der Stewi immer no offe im Garte



Das ist ein Rind.



Das auch.

Pferd und Rind das weiss jedes Chind, esch ned ganz s'gliche,
 Fisch und Vogu chame jo au ned vergliche.
 Dr Fleischskandal isch am laufe,
 Carna Grischa chasch jetzt günschtig chaufe.

Wenn d'Blose dröckt, das weiss jedes Chind
 got mer ufs WC ond zwor gschwend.
 Im Bus sitzt är ond überleit ned lang,
 är springt z'Wange use, so gross esch dä Drang.
 Kes Problem, de nöchsch Bus chont jo glii,
 doch s'Wasser löse got länger ond ou de nöchsch Bus fahrt verbii.
 Das wär jo alles ned so schlemm, är louft jetzt hei ganz allei.
 S'doofe esch, Kollege warte uf Dech und setze scho deheime
Renato Hirrlinger, söttigi Sache bliibe ned im Gheime.

Bem Bänzebache duet se för is Internet ganz e hufe Chender fotografiere
 Wenn em Fotiapparat e Charte drin gsi wär hät se sech ned müesse blamiere
 Susi Beck (alias Vögeli)





Si isch zobe im Schueuhuus flüssig am Schaffe,
do ghört si es Outo, si mues grad go gaffe,
S'isch der Loupi wo ICT-Material wott bringe,
si möcht go häufe, duet ihm entgägespringe,
D'Türe gheit is Schloss, es macht klack,
D'Chronebärg Monika duet ned im Sack,
sondern durs Fäischter is Schueuhuus chlättäre.

Der Chregu seit id Gaschtstobe uuse,
„Es isch de kapott ir Chochi, d Handbruse.“
Doch d'Janine chas eifach net lo si
und versprötzt die ganzi Chochi.
Unter Wasser stoh s'Restaurant Tüüfelschlucht
und **d'Janine** isch ganz schön uf dr Flucht.
Dini nasse Hoor die muesch zersch föhne,
bevor dini Gäscht weder chasch verwöhne.



Moersch mel bineme Wettbewärb und duersch gwünne e tolle Pir
setzen poscht an ufduer sösch go'i, der nöcher zemli mier
Wenn gersch die VIP-Ticketur für ' Konzert eruch nach dem Schlag
Ech' 'leider z' spöt und beim Coveret öfne kreff de fersch der Schlag
Gri Hirtinger



Wenn eim längwilig im Büro esch, chas si dass mer uf doofi Idee chunnt.
Aber Frou Sekretärin, Sex-Selfies si trotzdem ned akzeptabel bim Bund.



Z'4-te höch is Heidetal go golfe hei si wöue
doch nume 3 hei se döt chönne zöue
wöu 2 wo zäme fahre nur schnorre döi
wartet 1 z'Öute vergäbe of die 2
im Golfplatz merkes de die schnäderi Tante
Lüthi und Arnold heisse die Bekannte

Eusi Polizei esch immer korrekt und flüssig
mängisch macht me das glych chli schiessig
parkiersch mou 20 cm näbem blaue Fäud
gäbe si deer e Zedu und de choschtet's Gäud



CHESSLETE

Schmutziger Donnerstag
05:09 Uhr ab Spitzentüll
...und anschließend
Mehlsuppe in der Turmhalle
Oberdorf offeriert durch die
Einwohnergemeinde
Das beste Löwinstrument
wird durch die
Höckeler-Zunft prämiert!



S'isch wieder mol es Schueljohr gstartet,
d'Chinder und d'Lehrer hei lang druf gwartet,
Irgend öppis het aber ned ganz gstimme,
ei Klass het bi de Lektione e läzi Summe!
So öppis darf aber jo ned si,
süsch chöme die Chind doch hintedrii.
Stundeplän schribe wär ned so schwär,
wenn do ned das cheibe Zelle wär.
Phisa Stutie für Schulleidungen ???
Tipp:

Wenn Bus wotsch fahre muesch e chli studiere
 sösch chunsch de nochhär es rotiere
 das of Hägedorf chunsch muesch e richtig Bus i stiige
 doch si nemmt dä, wo scho z'Wange duet verzwüige
 jetzt stoht si in Chappu und lot der Chopf lo hange
 der Daniela Grossen esch's e so ergange

I dr Poscht wirts dr trümmlig, chunsch nimm druus
 do hetts jetz vöu Sache, wie imene Warehuus
 Papier, Handy, Gummi -- e cha no vöu uufzöue
 vor luter luege vergiss e, was e do in eigentlich ha wöue

DIE POST

Transferhammer:
 Uli Hoeness
 wechselt für 27.2 Mio.
 in die JVA München



Plötzlich hets bim Schlössu obe einisch Kracht,
 d'Jenni Gise het mitem Post-Töff der Eichtest gmacht.




Föif Wuche lang het s'Coop zue,
 im Dorf isch aber glich ned Rue.
 S'isch Betrieb wie im Bienehuus,
 si höhle der ganzi Lade uus,
 Wange, Gäupark, Coop ät Houm,
 für d'Chunde isch das e Alproum.
 Aus wird nöi gmacht, ganz modärn,
 s'isch alles anders als no färn.
 Aber wenn mers eus richtig überlegge --
 neu isch nume der Tchibo-Egge!



Tipp!!!
 Hesch im Winter gärn chli Fүүr?
 Lieber aus es ewigs Gfrүүr?
 Denn pschtöu s'Houz ned
 bim Jürg von Bүүr!
 Ned öppe wöu dä esch z'tүүr,
 weisch eifach ned öpps chonnt no Hүүr!!!


Ehm Sohn sis Velo stoht ned dört was sösch emmer esch
 Das het eine klaut, das gloube eg und zwar fescht
 Muess eg ächt e Azeig ber Schmer jetze mache
 Dr ander Sohn het's nome brucht es esch zum lache



Claudia Hermann

E Höhepunkt im Schwizer Fuessball
 Isch am Ostermäntig der Cup-Final.
 Der chönnt leider si Vergangeheit,
 das chönnt me in Bärn ustreit,
 Es het dort gha es paar Idiote,
 wo hei welle d'Stadt verschrotte.
 Es goht jo eigentlich ume Fuessball,
 in Erinnerung blibt aber dä Krawall.
 Mir würde üs e bsunderi Strof usdänke
 und die Type aus Hotschippupe use hänke.

Gruss Tailwind Airlines




Allei i d'Ferie, d'Shana Hirrlinger esch ändlich dort
 Sie esch acho, de Koffer nöd.

Da ich auf der Gemeindeverwaltung kein
 Büro habe, bin ich für Anliegen der Einwohnerinnen
 und Einwohner von Hägendorf wie folgt erreichbar:
 Immer Montags über den Mittag im Rest. Chilchli in Bärenwil.
 Euer Gemeindepräsident



Programm zur Förderung Alternativer Denkstrategien


Es Programm für soziali Kompetänze tuet d'Schuel jetzt starte.
 E tolli Belohnig söu uf jedes Wochehind warte.
 Keis Znüni, wöu e Öpfu wär jo doof.
 E Frisbee, zum Spiele ufem Schuelhof.
 Der Chef hett entschiende, tuet für kei Idee sech bedanke
 Paar günschtigi Frisbees bedrucke für wenigi Franke
 Nach zwöi, drüü Mou si alli Frisbees zerspronge,
 hättisch di gschider zomene Znüni doregronge.



am Schungfescht ghörsch eine stöhne und schlaf unehange
 am Ok isch am föif nämlech scho s'pier usgange

D'Prüefig bestande, s'Diplom übercho,
 do muess me scho e Party stiige loh.
 Bierli trenke eis zwöi oder ou me,
 bes fasch nöm zo de Ouge us tuesch gseh.
 Spot ir Nacht söus langsam heizue goh,
 för das hei die zwe d'ÖV's gno.
 Ufere Fahrt vo nor nüün Minute,
 sisi igschlofe die zwe Pfluute.
 Chorz for Solothorn döi se verwache,
 ond scho chli komisch ome gaffe.
 Met em nöchste Zog weder heizue fahre,
 scho weder schlofend z'Hägendorf verbii die Naare.
 Wäred gschieder vo Oute heizue gloffe,
 oder hättet eifach weniger gsoffe.
Mürki Bichi & Rissling Keto

Im Kanton Zog so hei mer vernoh,
 heis zwöi met em Eheglöbnis ned so gnau gno.
 Vo Droge oder ergend welche Tropfe kei Spuur,
 das esch doch eifach e Usred nuur.



Nichts gewesen ausser Spesen


Wotsch im Riccardo di Tisch verchäufe
 De cha das ou mou e chli schief loufe
 Wenn du nemsch vom Brüder Zuegangsdate
 Setsch ned säuber biete, sondern passiere
 Ohni Gedoud chas dr sösch eigeti Tesch
 Das us einzige duesch biete se ehre
 För 2'800 chaufst du sehr luschtig esch
 Zur Krönig hets de vom Ricardo no Verchäufsgbühre gäh
 Die het Severin Sommer de au no müesse übernahm

Grossi Müei het sich d'Corinne gmacht,
 e feine Hörnlisalat gmacht für e Znacht.
 Im Tom extra no e Portion übrig gloh,
 und für ihn schön i Chüelschrank do.
 Uf einisch het d'Annika Hunger gha,
 dä Uflouf im Chüelschrank macht si a!
 Wää, wie gruusig, das esch zum Chotze,
 ghörsch d' Annika Kiser spöter motze.
 Bruchsch ned z'ha sone blödi Göue,
 Hörnlisalat ghört ned id Mikrowäue!

E Bierfläsche machsch am Beschte met eme Öffner uf
 Chasch au es Fürzüg nä, wenn besch osser Hus
 Wenn's aber duesch am Unterarm probiere
 Setsch das chöne sösch chas der passiere
 Das e Wunde hesch wo me duet gseh
 Das duet jetzt au der Moser Peter i gseh



Ehre Partner heissi Fischer, aber secher scho
 Seit sie, wo sie es Wocheändi met Begleitig het becho.
 Eigentlich heisst är Fürst, do chasch ned brilliere,
 aber Susi Vögeli, das cha passiere.



Harley fahre esch dr Nit,
 hesch fröschi Loft ond hautet fit.
 Doch wenn d'Zyt duet ned vo däm Chaare.
 lohnt sechs omestoh ned vo däm chli e Möff,
 Drom verchouft är si gliebti Töff,
 bim abtransport macht är scho gar nöm dra,
 D'nahme vo die Chöle fort es esch zom verstecke,
 doch plötzlich sie die Monet spöter me dankt scho gar nöm dra,
 Mänge Monet esch das Gäud weder vörecho.
 Drom öise Tip machs s'nöchscht mou eso,
 due d'Verwautig vo Gäud dr Bank überlo.

Flury Stephan

Reto Kellerhals Corinne Kiser-Henzi U+3 weitere
 Personen haben an dieser Veranstaltung teilgenommen



Chesstete
 Donnerstag, 8. Februar um 09:00
 Hägedorf
 Daniel von Arx hat dich zu seiner Veranstaltung eingeladen

Teilnehmer

Schweiz bewegt Gänd het s' Oberdorf ziert,
 d'Naturkommission hets top organisiert.
 Möglichst vön mijej sich bewege, das me ned verliert,
 me het lang ned gwüsst, si si gnuie motiviert,
 d'wohner vo Hägedorf hei am Ändi brilliert
 und über die Chappeler triumphiert.

oap Gemeinde
 Schweiz bewegt
 duell


Mehr-Zwäck und no meh

Hägedorf duet arichte mit dr grosse Chelle
 obwohl das gar nid alli Lüt hei welle
 s'choschtet vöu Millione und no meh
 das chasch im Gäu sösch niene gseh
 me heig e Sponsor, wo vöu Gäud duet gäh
wievöu ? das duet alli wunder näh !
 es bliibi gheim, eus dünk das chli diffuus
 irgendeinisch chonnt das jo glich ues.
 d'Stüüre gienge nid ufe, seit euse Gmeindrot
 wenn das uf di längi Sicht nur guet usgoht
 s'git e Stadt, chli witer aus Wange
 wo ou isch grossartig Pleite gange
 Mer hoffe, s'chäm alles guet und mer mache gärn es Feschet
 mit allne Sponsore, Stüurezahler und de gladne Gescht

Die si doch ned ganz bache,
 was si do mache für Sache,
 Gäbe im Trainer e 5 Jahresvertrag ond
 döi en nach 2 Jahr scho weder entloh,
 das chonnt die Höude ganz secher tür z' stoh.
 Vereinsführung EHCO

SCHNITZELBÄNKE & GUGGENMUSIK

Schmutziger Donnerstag
ab 20:00 Uhr in den
Fasnachtsbetzen
Mit ROOT XXXVIII,
Schlumpf-Zunft,
Häggerl Guggen,
Höckler-Zunft, OpusDel
und 'Auff Seck'



Richtig Allerheiligeberg fahrt är mit sine Chind
doch plötzlich fahrt sis Auto nöm so gschwind
är dänkt was duet jetzt do passiere
und duet sis Hirni aktiviere
d'Analyse faut ehm de ned so schwär
bim Flury Phippu esch der Tank nur lär


Frage:

Was hat ein Besuch an der Bea
mit einem Urlaub am Meer gemeinsam?

Antwort von Tanja Geiser:

An beiden Orten kann man sich
beim Surfen ein blaues Auge holen.

Met ehm Outo is Parkhus ine esch ned schwär
Zom usecho muesch haut es paar Fränkli gäh
Blöder esch's wenn gar ned ine hesch wöue
D'Ritter Manu cha das jetze Hüür verzöue



Hockey luege live bim EHCO,
das lot är sech ned lo entgoh.
Zo de Tickets chame online cho,
muesch se nor no schnäu zom Drocker useloh.
Ab uf Oute ond is Stadion loufe,
doch hätsch Tickets för e richtig Match sele choufe.
Glöck muesch me mängisch haut ou ha,
si hei en trozdam ineglah.
Mühle Michu


Dekofahnen hängen an der Fussball-WM an ihrem Haus,
das sieht wirklich ganz schön aus.
Doch die Mischung aus Regen, Sonne und den Fahnen,
das konnte wirklich niemand ahnen.
Diese Fähnchen nun am Dachrand kleben,
da sieht man sie das halbe Leben.

Simi & Pädu Ryser

Ei Nacht allei deheime, dass cha sech s'Alexandra Lötcher ned vorstelle,
darom duet sie sech e Flog nach Spanie zo de Familie bstelle.
Denn alli si dört, nor sie hätt allei deheime solle bliibe,
wie soll sie sech denn allei Ziiit vertriibe?
Darom buecht sie sech chorzerhand en Flog, eine gloubts ned elei
Am Samstagobe am 6si abe und am Sonntagmorge am 7ni weder hei



Der Blocher isch e Maa vo Wäut,
het uf der Site ganz huffe Gäud.
Bundesrot isch är paar Johr gsi
und de no Nationaurot hintedri.
Nachdäm är dört zruigg isch trätte,
isch är zu sine Kollege ned e nätte,
Üsseret über si Hohn und Spott
und macht sich so zum Idiot.



Zeichenaufgabe:

Eine Gruppe Personen nimmt jeweils einen Koffer pro Person ans Skiweekend mit.
Loupi nimmt einfach mal zwei Koffer in sein Zimmer.
Zeichne die Gesichter der zufriedenen Personen auf die letzte Seite der Fasnachtszeitung und das Gesicht des überbeissenden Sigi Siegfried (ohne Koffer) an das Plakatt im Root-Huus.



Das der Chile aus darfsch glaube esch sicher übertriebe im Pfarrblatt werde immer öppe fauschi Datum gschriebe Fasnacht hin oder her, wir halten sie zum Narren!

Redaktion Pfarrblatt

Es get so Tage wo Tage d'Froue plage
söue si 2 Tage deheime Chlage duet me frage
Manne sie so schlau und wei die Tage au
mer könne das genau, die Schmerze bim ne Samestau

Bim Filme de Startchnopf dröcke wörd ned schade,
gäu Tom Schneeberger, drom muesch zwöi Mou go bade.

E Stich vom ne Bienli
und jetzt wird pienli
d'Allergie sofort bekämpfe mit dr Sprütze
doch verchehrt dure Duume duets nüt nütze



Wissenschaftliche Umfrage

- Wer muss ein schlechteres Gewissen haben:
• Sie verliert in den Ferien ihr Natel
• Er nimmt ihr Auto und macht einen Blechschaden, weil das keinen Abstandspieper hat



Fuessbau gspöüt het är emmer scho gärn,
doch am Dorfornier hät ärs besser lo sie färn.
Me frogt sich ond het ou scho drüber glacht,
was het en ech so lang Arbeitsonfähig gmacht?
Esch äch es Foul vom Gägner scholdig dra,
oder het är eifach nor z'füu Gsoffe gha?



Thomi Elia



Dr Grill aheize ond druf warte,
das me met em brötle ändlech cha starte.
Das macht no mänge richtig gärn,
so ou passiert im Sommer färn.
Doch nach em Grille das wär wichtig
ond för s'nöchscht mou ou richtig.
E paar Tag muesch d'Äsche im Cheminée si,
sösch esch a dere Grillparty gli ou d'Füürwehr derbi.

Angela Studer




In Rom isch gwalzig öppis los,
der Hinterletsch isch uf der Stross.
Me chöint meine, d'Fasnacht sig im Land,
der Hinterletsch isch rappelvoll,
Alles isch parat, d'Stimmig isch toll.
Der Petersplatz isch dort häne ufbroche,
s'isch alles parat, d'Fasnacht sig im Land.
Öppe ei Million Lit si dort häne ufbroche,
der Franziskus het Papst im Duopack heilig gsproche.



So stand es auf der Homepage:
Gemeindeversammlung Do 25.03.2014

So wäre es richtig gewesen:
Gemeindeversammlung Do 27.03.2014

Einwohner
Gemeinde
Hägendorf



Watsch im Osland vo gönschtige Preise profitiere,
ond deheime met enere nöie Bröue de brilliere,
sötsch vorem zahle emou dor d'Gläser gaffe,
denn hetsch gmerkt, dass die Affe
Gläser gschleffe händ totau verchert,
vellecht het's em Nici Schneeberger öppis glehrt.



Am Fasnachtsfreitag hat er vermutlich zu viel getrunken
und ist danach nach Hause gehunken.
Doch als er stand vor seinem Haus,
er konnte nicht mehr finden seinen Schlüssel welch ein Graus.
Doch schlafen im Auto das konnte es auch nicht sein,
da friert dir ja noch sonstwas ein.
Eine andere Lösung musste her noch diese Nacht,
im beheizten Aussen-WC hat er sie verbracht.
Hanssepp Flury

Zäh Tag Ferie gniesse, läck esch das schön gsi,
doch alles het es Ändi ond si send verbii.
Schnäu nomol uf d'Flogdate luege, bevor das es hei got,
doch sie trout ehre Ouge ned, was uf de Bestätigong stoht.
Ned zäh Tag händ sie buechet, nei si dörfe no bliibe
E Tag länger, Nici S. sötsch der's aue hender d'Ohre schriibe

Aus Aktuarin bim STV het si vöu ztue,
das bringt si aber gar ned us der Rue.
Wenns drum goht, paar Briefe z'versände,
duet si e bsundere Trick awände.
So Jöbbli het si ihre Schuelchind uftreit,
doch leider hei die i däm Fau chli verseit.
D'Blätter si verchert, s'Fänsterli isch läär,
d'Briefe chöme ned a, me weiss ned a wär.
D'Post het die Briefe im STV zrugg gschickt,
Sevi Sommer, du bisch haut ned pickt.



s'LIED VOM ROOT

Jedes Johr, esch ä andere dra
Ond leit das rote Kostüm met der Larve a
Ä Bäse i der Hand ond Schäue am Gwand
Aus Root esch är bekannt im ganze Land
Äs esch ä grossi Ehr, das weiss doch Gross ond Chli
Ond set me aus drüü Jahrzent esch er derbie
Är esch der Oberrarr, är esch ä Superstar
Ond fühert öis guet dor d'Narrezyt, das esch jo klar
Ref.
Wäge Dir, esch d'Fasnacht erst das wo si esch
Wäge Dir, du gesch emmer dis bescht
Wäge Dir, gomppe mer über Stock u Stei
und nume wäge Dir, fühle mer öis dehei
Er gseht chli gförchig us, aber Angst muesch ned ha
Doch mängmou sprengt er glich de chline chender na
Vör die öutere Lüt, esch er ä bsondere Typ
Wenn er z'gompe chont – met sim ganze Glüt
Er regiert i der Zit, seit was louft im Dorf
S'get ou Lüt die fende eus – zemlech doof
Doch mer stöi zo ehm – wo är ou häne maschiert
Mer folge em Root was emmer ou passiert
Ref.
Wäge Dir, get sech Gross ond Chli höt d'Hand
Wäge Dir, feschte mer aui metenand
Wäge Dir, lohnt sich doch erscht di ganzi Fuehr
und nume wäge Dir, und nume wäge der,
houe mer über d'Schnuer
und nume wäge Dir, und nume wäge der,
houe mer über d'Schnuer

Z'HÄGEDORF Mer gheie usem Rahme

12. Februar 2015 bis
17. Februar 2015

Root-Huus

Jeden Tag von 13.38 Uhr bis 18.38 Uhr
Samstag und Dienstag bis 01.38 Uhr



Schmutziger Donnerstag,
12. Februar 2015

CHESSLETE

Punkt 05.00 Uhr chesslet's durchs ganze Dorf. Anschliessend offeriert die Einwohnergemeinde in der Turnhalle Oberdorf Mehlsuppe.
Start: beim Spitzacker

ROOT-RAT
HÄGEDORF



Fasnachtsfreitag,
13. Februar 2015

SCHNITZELBÄNKE UND GUGGEMUSIK

Ab 19.45 Uhr in den Restaurants Teufelsschlucht, Tell, Schlüssel, Sportsbar sowie im Bistro Vögeli durch **Root XXXVIII.**, Höckeler-Zunft, Schlumpf-Zunft, Hägageri-Gugge, Auti Seck und OpusDei.

Barbetrieb im Homberg Pub&Bar und im Shakespeare.

ROOT-RAT
HÄGEDORF



SENIORENFASNACHT

MIT SPIEL, SPASS UND ATTRAKTIONEN

13.30 Uhr in der Turnhalle Oberdorf, organisiert von der Hägageri-Gugge i.A. der Einwohnergemeinde.
Mitwirkende: **Root XXXVIII.**, alle Zünfte, Kliquen und die Gugge.
Siehe persönliche Einladung.



Fasnachtssamstag,
14. Februar 2015

FASNACHTS-UMZUG

Alt und Jung sind herzlich eingeladen.
Beginn: 14.00 Uhr Schulhausplatz Oberdorf. Im Anschluss offeriert die Gemeinde das traditionelle Wienerli mit Brot auf dem Dorfplatz (nur für Kinder und Umzugsteilnehmer).

Anschliessend FASNACHTSTREIBEN AUF DEM DORFPLATZ
mit verschiedenen Essens- und Getränkeständen.

ROOT-RAT
HÄGEDORF



ROOT-RAT
HÄGEDORF



Fasnachtssonntag,
15. Februar 2015

KINDERMASKENBALL

Von 14.00 -17.00 Uhr in der Turnhalle Oberdorf.
Eintritt: Fr. 6.- inkl. Hot-Dog



Fasnachtsmontag,
16. Februar 2015

KINDERSCHMINKEN UND FASNACHTSTREIBEN

Rund ums Root-Huus kunterbuntes Treiben mit **Root XXXVIII.**
Ab 14.00 Uhr Kinderschminken, lassen Sie Ihre Kinder professionell schminken
Ab 15.00 Uhr Konfettischlacht mit **Root XXXVIII.**, Guggen-Klänge.



HÖCKELER-MASKENBALL

Ab 20.00 Uhr in der Turnhalle Oberdorf.
Eintritt: Fr. 10.- / Vollmasken frei.

Dienstag ab 04.00 Uhr „Power-Frühstück“ im Bistro Vögeli.



Fasnachtsdienstag,
17. Februar 2015

KINDERDISCO AUF DEM DORFPLATZ

Von 14.00 bis 16.00 Uhr lustiges Fasnachtstreiben auf dem Dorfplatz mit Kinderschminken.



HOTSCHIFÜÜR MIT ANSCHLIESSENDER USLOMPETE

Um 19.08 Uhr zündet der **Root XXXVIII.** auf dem Dorfplatz das „Fasnachtsfüür 2015“ an.
Anschliessend Uslompete auf dem Dorfplatz und im Root-Huus.

